

世界書局印行



世界書局印行

景印
摘藻堂

四庫全書薈要

集第
別四
集六
類冊部

本冊目次

書名及撰人

卷次

頁次

誠齋集一百三十三卷 宋楊萬里撰
于湖集四十卷 宋張孝祥撰

卷一百十一至卷一百三十三
卷一至卷四十

三九三一
三九三一
三三三三

欽定四庫全書會要

集部
誠齋集卷一百十一

欽定四庫全書會要卷一萬五千六百八十八 集部

誠齋集卷一百十一

宋 楊萬里 撰

尺牘

答蕭國博



某伏以即辰仲夏之月南風之薰恭惟景伯國博鄉丈
教胃溫栗物望歸赴天棊可大台候動止萬福某老病
餘生乘化歸盡自放自棄之蹟惟幽屏之不遐淵潛之

欽定四庫全書

誠齋集
卷一百十一

不深姓名不入修門書問不至朝貴久矣誠不自意平
生故人不間雲泥之異勢不忘貧賤之素交墮鯉封之
斜行寫鶯鳴之軟語諷暄涼而訪生死自視陳人何以
拜此成均封殖棟幹之圃也異時位三槐間兩社者孰
非由此塗出願言寶珍之即對越西崑南榻之除以梯
乎鸞坡鳳池之歸也某棄官九年回首雞聲茆店之月
渭城柳色之雨久寄絕交之書矣而三子出仕中男次
公去秋之官鴈峯長男長孺今茲六月又之官南浦小

詳校官助教臣 謝登雋

男幼與九月又之官澧浦其勢不容不東征遂子如曹
大家也必不得已從其近者莫南昌若也又怯暑行冬
春之間乃可作汎舟之役耳來秋次公秩滿來歸老身
始有還舍之望兩年之間未有息肩之期良可憫笑抒
謝不莊伏惟財幸恭承命戒先國太挽章靜菴記文
塵封破硯蠹蟲管城久矣閤勉各紬數語以塞盛意公
家醫甌當曰吾太公望子久矣荷荷

欽定四庫全書

誠齋集
卷一百一十一

二

契家台姥即日恭惟受祉山則有之使否願承命幼與
每蒙燕集盛禮以開其客愁而紓其旅瑣感戴不淺寄
餉水芽當為君開包碾春風煮湯候蟹眼也正恐無五
千卷可搜無十年讀可攬只與杞菊藜莧之腸背借一
耳

答胡左藏

某伏以即辰暑雨知時惠鮮秧兆恭惟季解判院契丈
容與篤行式法大府天棗勤肆台候動止萬福屬家便
了啄門賜以先集已嘗抒謝小兒來歸重拜誨帖且餉

以黃草龍目離支矜之以為暑服則大勝細葛之含風
擘之以拈春酒則未減紅綃之累玉降拜珍投則百斯
感某棄官九年所待一死自分與長亭短堠永矢絕交
矣而三子出仕中男次公去秋之官長男長孺今茲六
月又之官小男幼與九月又之官其勢不得不東征逐
子如曹大家也必不獲已如從其近者莫南昌若也而
又未能暑行必也冬春之交乎至來秋次公秩滿來歸
老身乃有還家之望兩年之間未有息肩之期良可憫
笑都內之署相州穉主蓋嘗居之矣相業權輿不在茲
乎惟珍重以須

欽定四庫全書

誠齋集
卷一百一十一

三

答袁侍郎

某伏以即辰秋己小立暑猶未退恭惟宮使殿撰侍郎
尊契丈奉瑄祝釐潛天見聖身在霞外望屬寰中三神
扶持台候動止萬福契家玉姥咸慶某昨日有自城中
來者得報賜妙帖示教新作家人卦解義詞約理明如
斧析新如水赴壑二五兩爻尤為易簡若蔡此破竹之

鋒不數日可了此八卦矣何必如某旁搜幽討枉却十二年之燈火乎倚撫風火等詞皆切中二豎所居者醫和之目那得遁疾當問聞而藥之也感極荷極易贊敬為書一通且妄下一轉語又未知道著否晦翁可痛孔堂兩楹遂折其一其闕吾道之興喪非細事也亦既遣人弔祭之得其子文之報章矣敢復以為朋友唁也願言珍重即看賜環

答徐用之知縣

欽定四庫全書

誠齋集
卷一百一十一

四

某伏以即辰亢陽過中高寒已早伏惟用之知縣學士寮舊久御祥棊孝思未慙神介台候動止萬福伏蒙誨帖命戒先文處士銘章業已宿諾何敢固辭顧老病微軀文思荒落久矣先是此等文字多是大兒代作如錢侍郎仲畊孫檢正之父諸銘吉州設廳諸記皆其筆也唯莆田陳丞相葉丞相建昌張彥文尚書新安程給事元成諸公銘詩乃平生或思或游之至深厚者不免強為牽課耳今君房遠出禦說去家當徐圖之或親作或

今取代未可約五日一水十日一石也幸小紓之如已就托黃廬陵轉致差易耳即聽新除

答廣東雷提舉

某伏以即辰凜秋過中顙氣以爽恭惟提舉郎中契丈玉節光華使星淵在霜日所映海波不興三神相之台候動止萬福某老病幽屏死灰不燃平生故人不待寄之以叔夜之書而庭久無退之之跡矣契丈盛德無兩高誼寡二獨迂拂天之旆左顧釣月之灣父老縱觀猿鶴呼舞賢者自為人所不為堊人有以致此客則否矣遣騎墜誨撫存押至先之以東京之玄纁申之以司業之酒錢至於寶熏名果重索照坐落英槁木頓回生意冷窓凍壁皆作春溫書史龔生又辱收補槩人支賜月給某無穎士之才安能使役者見愛而不去非故人此舉則掉臂在旦暮耳多詞不足盡感之一字未見願言愛此大業即還第頌之綴慰此老懷

某悚息再拜敬問契家台嫗即日涼秋恭惟尊尊幼幼

欽定四庫全書

誠齋集
卷一百一十一

五

咸集純嘏有委不外大兒前月二十一日已交職老身就養小須小男冬間之官禮滿然後議此行其上春之間乎今親伯珍近方得書過望過望

與衡州知府趙判官

某伏以即辰癸秋一半顓氣高寒恭惟判府判院新拜魚書輟從鸞序高才乃建幕府初開神天是孚台候動止萬福某謹齋宿奏記司契仰惟財幸

某自慶此生親見近世麟趾公姓異人林立時則有若

欽定四庫全書

誠齋集
卷一百一十一

六

莊德之詩文時則有若德彥之勲賢時則有若從善之才氣漢之政駁唐之白賀方之褊矣今又側聞判府判院妙齡嶄然卓詭絕出揮五色筆州三千牘掃千人軍與寒士一戰而霸姓字卓犖光映千佛名經之中鳴弦壯縣則如桑下之馴彩雉分月名城則如竹西之寫鳥絲晚登春風玉笋之班已藹秀出班行之譽翩然厭直自詭一麾清氣開衡嶽之雲高吟動湘江之水借曰遠民之福其若海內之望青規紫禁式過其歸子淵所謂

可倚而竦也某老病幽屏姓名不至朝貴之門十年矣天誘其衷中男次公幸得走趨大府牛馬之下陳因之修敬惟一攬而擲棄道旁云

某惶恐再拜僭越敬問台閣玉婬即日秋清恭惟尊尊幼幼受社山則廬陵有可效老聃之役驩以承命

某惶恐白事中男次公筮仕云初殊未更事幸得充員衡之安仁監稅仰事仁賢之主人所謂人各有一天也憐以慶雲照以德星霑以膏雨舍魯何適矣不勝舐犢

欽定四庫全書

誠齋集
卷一百一十一

七

之私仰竇聽衡之公無任主臣

答南豐陳宰

某伏以沆碭過中高寒已早即辰恭惟判縣學士契兄三月報政千室載歌神明扶持台候動止萬福某敬上記以謝先施未見願言愛重不貲之業對越逵表之除至望跂跂

某間者濶焉久不聞問懷賢念舊一飯無譏遣騎墜誨再披三讀恍如瞻清峻而聆琮琤也鳴弦幾何時而學

道愛人之聲與風俱來以儒飭吏故應有此不敢望於他人者耳某老病幽屏道旁之標過者不顧故人相存之意誼風凜然足以追舊俗而回之感嘆不足抒謝不莊悚仄悚仄

某再拜敬問契家王姥即日恭惟尊推受祉山則有委不外大兒長孺前月二十一日已庀職南昌小兒幼與咸陽客舍每辱臨存尤感故意之長也諸司惟俞漕甚厚今納一書因便送達契兄何待於此餘皆無一日推頌貺麗參至感徽筆二十枝聊伴空函匪報也

欽定四庫全書

誠齋集
卷一百一十一

八

與俞運使

某惶恐白事故人南豐宰臣通直

名與先人同
從同從市

文學政

事加人數等所至吏畏其廉明民咏其慈惠某與渠乃翁中書舍人安行兩同朝著情誼如骨肉父子交游二十餘年此即今宰劇邑盤錯根節袞沸湯火墮男其間不敢不勉然非外臺獨有之天幃以慶雲庇以萬間涵以滄海難乎免於今之世矣某敢以為託渠今歲季夏

方庀職耳三月之間已有美聲年歲之間必有可觀恐差次部吏此郎得在門闌桃李之下陳不勝幸願之至

與羅必先省幹

某伏自先幹文直閣過普州之後久不得書去歲十二月入城見益公云仲憲十月一日不祿聞問驚悼涕泗交頤不知到官幾月竟以何疾而終天文丈人三子一孫惟先丈仕宦方將光顯而遽罹大故吾親萬里護喪經澼灇出已蜀歸壘里閭不使其父為旅觀客魂千辛萬苦歷盡艱險可謂大孝老懷忽聞未歸悲喜交至歎重歎重久探無消息昨日得季周報老疾之身久罷慶弔一二日間當遣幼與奔慰先此奉唁且致薄奠更宜節哀以終大事不悉

答羅必先省幹

某啟清曉已專僕奏疏馳慰尋當聞達行李交至伏辱手筆赴告披讀流涕不勝悲愴護喪遠歸已即宅里又為之喜也即辰秋寒云初緬惟息肩小憩孝履支福乍

欽定四庫全書

誠齋集
卷一百一十一

九

歸豈無可妻裏事有地有日否京丞相親與某言渠家
上世皆用浮屠法塋之水火每歲寒食只來江皋酹酒
三爵燒紙錢數束即是上塚而京文少年擢第致位左
輔可以見郭景純風水之說繆矣景純自遭王處仲所
殺子孫亦無顯者而後世猶惑於不識字之山人仲謀
价卿屢遷考妣暴骨再三以求富貴反招短折之罰老
夫家中三世窮儒並無風水願勿泥此不悉

答本路安撫張尚書

欽定四庫全書

藏齋集
卷一百一十一

七

某伏以即辰一雨既霑顙氣初爽恭惟判府安撫華學
尚書聽履星辰移次翼軫元帥崇嶠上流繁雄五月政
成三神慶集台候動止萬福列仙之姥受祉姦兆某老
病罷吐受一屋於二天之下齋宿奏記孔夙不莫而兒
輩未行之間誨函已從天而降矣宜先者後宜和者唱
挽天河傾東海不足以諭此忭也惟老牛舐犢之私仰
恩永壺玉衡之清退而省焉謂惜不速戾於至公亦當
見笑於大方敢圖仁教答賜恩書垂華星而落雲錦詠

茹頰悉撫存幼愉先之以不忘于湖勝尾之陳人申之
以尚憶褰叔坐上之半面夏諺謂貴人多忘始亦信之
今其然乎否也大兒學製之初當此巖邑微仲尼上律
之天情之在上子美突兀之屋庇之在下難乎免於今
之世矣而來誨諭以舊令小縱胥輩不聳聊致詰政使
承後者省力父母昊極之德何以尚此某與老妻相語
府公恩斯若此深厚感甚至泣也至於某不才多病之
身一生寡偶幾覆車於太行沈舟於呂梁知難而退棄
官九載納祿再期寒士仰此五斗豈願尚幽獨而取高
譽辭實福而要虛名哉先人門戶日就壞墮已既不仕
而其子亦可以不仕乎於是驅其三子而皆習為吏非
父驅之也饑驅之也不然子子老身孑然獨臥空山豈
得已而不已乎大兒察其素居無聊於是投其隙而進
迎養之說某重告之曰汝則順矣其若以身累人何汝
獨不聞夏諺所云乎中人十家之產寧日增一斛麥無
或增一客汝既竊祿於使家矣又挾而父與而母以莊

欽定四庫全書

藏齋集
卷一百一十一

十二

是能為主入增參而反增客也可乎父子既似相山之
鳴每念此兒之請雖不忍拒亦未敢從也不知此聲胡
為已上達大帥之衡聽乎得兒書云尚書面命之曰而
父肯來西山南浦皆有光華及讀來誨則又曰江山寂
寥久矣一傳先聲下至草木魚鳥皆喜色又間有傳台
意者云將肇脩方伯連帥之職加待之以末至客右之
禮蛙鴈鶴料亦與繼粟牙檣錦纜亦與浮家蓋父子窮
愁之所願欲而不敢請者我主公皆逆探其心而不靳
其賜矣如是而不感如是而不就則木偶人而已耳少
男幼輿方為裝以赴澧之監河將以良月行姑候其行
然後老夫婦之行期可卜日也嗣當詳告大兒并奏記
以聞焉先此以謝恩意之辱不勝大願願言愛重盛德
大業即持鈞樞以福祿四海云

答謝提舉

某伏蒙墨妙一訪生死慰於萬命戒先尚書家傳某何
人敢承授簡又有韓柳之擬尚書固不減柳文若名德

柳何望回至於某尚不足以充柳之衙官筆吏而况韓
乎不敢當然一生學問文字之交四海才四五人耳而
尚書為最所命不應讓但作傳之說若作家傳則家人
子之任非外人事若作史傳則合於今上慶元元年
日歷中某月日書云某官謝某薨之下書云某字某臨
江人也云云如某脩孝宗日歷作張魏公欽夫李壽
翁三傳是也今某閒人豈敢作私史以抵吏議乎墓銘
神道碑惟命

答虞知能

某間者闊焉久不聞問遣騎墜教披讀三過喜如之何
蒙封示文直閣萬金之書寄聲於某商畧所書令祖雍
公言行欲以議襄陽兵事剋於篇首恐未可也篇首正
當書紹興辛巳江上督師一戰殲渠魁國之再昌舍此
宜無大者若道辛卯襄陽有警本路帥漕戎帥請發兵
而雍公不許妄動卒無它虞此特書之篇中足矣未足
以冠篇也文丈又謂其文名雍志此又未之前聞也前

輩文集中止有曰墓曰銘曰表曰神道碑而已今創名曰雍志此為何等文書乎恐傳笑文士而後無傳也某今所陳者文丈如曰不可則願請儒宗文師一代大手筆者為之某當再拜而避也

答建寧府傅內翰

某伏以即辰顙氣彌高積霖小霽恭惟判府徽學內翰報政代蕃易鎮河海神天送喜台候動止萬福某老病歸歟待盡云耳山徑不與東西行者會鴈亦不我過也

欽定四庫全書

藏書
卷一百十一

古

欲准一字其道亡繇獨有人甚遠之數遣騎墜教字垂爛星語洗晴雪忽覺致身李中丞之側喜如之何家集拜賜三世文獻一朝快睹矧南宮望郎與游深厚懷知永肩讀二三策未竟而淚落不能收也玄穎既佳又悞學落思軋無所事信十襲挂壁時一敬仰思王公而不得見王公之所寄則如見王公焉占謝未詳願言愛重盛德大業即持鈞樞用畢能事

答泰和卓宰

某病身無偶搔首忽忽偶聞剝啄柴扉者攝衣出問則詩家者流寄聲訪問生死者披讀驚喜即辰良月初吉積雨小霽恭惟士直西昌大夫契丈惠化告成為裴王覲借留不可神人具依台候動止萬福送似快閣新刻真蹟得未曾有鉅公衆作偕來多荷多荷微惡語輒注三絕句山谷有靈當笑小兒強解事也抒謝不莊疎仄疎仄

與周監丞

欽定四庫全書

藏書
卷一百十一

十五

某臥病空山祇有不如咫尺不見實同千里方寸尊德傾之九回即辰小春淺寒恭惟高居萬象之臺獨立一世之表三神擁衛台候動止萬福某惶恐小稟昨晚蒙丞相寄聲彼此免冬年交賀之禮某本以老病棄官還家求以休息而東西每歲建堂堂之陳以夾攻之豈特楚人一歲七奔命而已無地可以詭姓遁身者忽聞慈命頓解天張敢以聞焉漢過不先仰惟執事實圖利之

答贛州張舍人

某伏以即辰小春淺寒苦雨未霽恭惟判府右史舍人
尊契丈暮年政成二天化洽兩路披睹上流靜波神天
寵綏台候動止萬福某臥病山墅意象眇昏騎吏打門
王字下墮思賢新記儒榮古詩聯翩而來珠流璧合七
言雄偉讀之慨然起封狼居胥之意古文雅健覽者宛
然逼真柳愚溪之作崆峒曉日之光章貢秋風之清忽
下照蔡邕之門吹盡寇之埃也至崇蔭丹筆之語尤足
破陰陽家流之邪詞解鬼神應泣之大惑有功於後學
欽定四庫全書
誠齋集
卷一百一十一
十六

與林總領郎中

某惶恐敬有賤懇小兒幼與愚駮不才初習為吏充員

澧之慈利稅官適有天幸迺獲超事使星卿月之末光
不勝大願敢祈憐以仲尼上律之天庇以子美萬間之
屋訓迪之挈攜之全度之有萬斯幸再有稟白先是上
狀嘗以澧推吳承直璫舉及四員政欠職司合尖一章
仰干台造乞特輟今年下半年或來年上半年一京削
以成就其改秩之榮更祈早賜剡發至懇至扣

與江陵府楊侍郎

某惶恐敬有賤懇小兒幼與愚駮不才初習為吏充員
澧之慈利稅官適有天幸乃獲超事詩書之帥不勝大
願仰祈憐以仲尼上律之天庇以少陵突兀之屋訓迪
之挈攜之全度之有萬斯幸

與醴陵錢知縣

某伏以即辰苦雨未霽殊妨斂藏恭惟文李知縣國錄
契丈暮年政成民咏神介台候動止萬福契家玉姁均
慶某老病侵加懸車待盡無足談者君子學道則愛人
昔聞其語今見其人醴陵之民一何幸也廬陵今秋兩

月不雨兩月連雨前日大田可縱燎今日遺秉又生耳
矣潘縣歲事定復何似小兒幼與之官澧浦寄徑提封
敬今一拜函丈願扣囊底書以振德之所祝愛重大業
拭目壁水蓬山之際

與澧州趙守

某伏以卯辰良月初寒積霖新霽恭惟判府太中幕府
肇開高牙乃建民咏何暮化字崇朝三神具依台候動
止萬福某移病引退垂車山藪亦藉芒寒色正之末光
旁燭之也千里而遙何從晤對願言寶珍龜玉翔集孔
鸞桑蔭未移天子有詔

欽定四庫全書

誠齋集
卷一百一十一

六

某竊觀近代人物眇然獨環竒特絕之產過半出於帝
家之璿源玉水是殆有相之道時則有若判府太中用
周室鑒定棟樑之英漢宗鴻寶苑秘之考而挑青燈磨
破硯着鵲袍與四海九州之簞子鰕生角雕龍鏤冰之
技於饗蠶爆竹之場取先羣雄關其口而奪之氣顧不
雋哉至於鳴弦歌有學道愛人之去思分風月有驥足

未展之嘉歎澧陽文獻是惟屈宋指瓊折瑤之窟宅也
摘頌衣鉢今有傳矣褰帷屬爾而今脩於庭戶之間人
自得於湖山之外信矣類非俗吏之所能為者耶敢以
為遠民賀併以為江山賀非為執事賀也

某惶恐再拜僭易敬問駟馬高蓋之門閭風方壺之嫺
即日冬初恭惟尊尊幼幼受祉孩兆某惶恐有稟小兒
幼與愚駭不才試吏之初適有天幸乃得走趨仰事宣
州仁賢之主人真所謂人皆有一天者某不勝大願願
情之以仲尼上律之天庇之以子美突兀之屋訓告之
挈攜之震風凌雨今知免矣

欽定四庫全書

誠齋集
卷一百一十一

十九

答吳節推

某屬者便了送花之歸囊篋細歲之報語在前書矣即
辰苦雨未收恭惟景隆節推學士尊親以賓贊之良兼
守貳之重神介台候萬福親家玉壺均慶小兒幼與之
官監河得託懿戚之庇東坡與王定國書云吾兒即公
兒也何俟多囑唐憲文字再趣之矣

與葉樞密

某伏以即辰積雨新晴六合清朗恭惟觀使大資樞使相公珍臺間館皋伊冠倫御風騎氣松喬擁衛鈞候動止萬福某伏自昔歲吳推遣便了詣福唐因之奏記及其還也報以雲錦之書華星之字此惠已私多矣而又餉以荔子石巨之珍芳紅綃玉膚光映冰盤江風海雨寒入牙頰塋人藜藿之腹人世煙火之腸坐覺三洗而九滌也榮感欲次骨矣先是鈞樞台鼎小移大府之躔欽定四庫全書 誠齋集 卷一百一十一 十

纍纍戰毒纍纍作三山之行竊意皇上未察必謂是役也周公分陝行且式適其衮衣裴度鎮洛方將注想於元老不晤其假此以釋寵榮翩然而還里第也某不勝主臣敢有白事頃者不度分守偕以親戚澧州推官吳承直舉員踰七望八已三員輒仰干造化乞賜鈞播即蒙千金之諾以來歲上半年京削收錄之且頒以照牒矣今茲嗣歲至矣再遣便了駿奔以請奏牘一類文書敢以給畀此僕以歸有萬其感抑過於某受此恩也

今晨始霜病指欲墮噓呵凍筆墨淡字款皇恐皇恐宰席虛左止俟我公之歸告廷風雷四海傾耳

答隆興府黃倅

某伏以小春浸寒積雨初霽即辰恭惟判府太中年家丈共理帥藩同宣皇化民咏豈弟天迪仁賢台候動止萬福某老病不敏致敬小臯死罪死罪未見君子願言愛重大業即登春風玉笋之班

某幸甚辱在先大中龍虎榜之末陳簡若姓名之下如

欽定四庫全書

誠齋集 卷一百一十一

三

五緯天垂四嶽玉立顧公出我處相斷不逢庸非咄咄怪事耶台座挈國濟民之業敲金擊石之文挾斯具遭斯世千青霄而直上凌太空而徑度宜也顧俯同濂溪之集章貢定而來淮海何歟將西山之英東湖之神俟吾墨卿臨之求偉詞俊語前袂落霞秋水之寂莫歟某老矣而大兒有迎養之請大帥移寵招之書倘負薪小愈尚堪力疾一往則見賢人傳賢書天其卒相儂家歟而尺素脩好乃辱其長者先施焉薄雲之誼篤矣榮

馬之殿惶矣負荆之謝臯矣

某惶恐再拜敬問年家神清台燠即辰冬寒恭惟尊尊
幼幼受祉姪兆有廬陵委願畢力某惶恐賤惡大兒長
孺愚駭不才冒試制邑適有天幸得趨事介師之下風
東坡與王定國書云我兒即公兒也敢以此自歸於門
下惟二天覆露而全安之

欽定四庫全書

誠齋集
卷一百十一

三

誠齋集卷一百十一

欽定四庫全書書要卷一萬五千六百八十九集部

誠齋集卷一百十二

宋 楊萬里 撰

尺牘

與徐丞相

某伏以大冬有假霽暉未舒即辰恭惟觀使大觀文左
丞相上能芒寒造物與游霄垠咸若河嶽盡護鈞候動
止萬福恩闕相燠錫羨姪兆某山鹿楚縻之姿夫須獨
速之生耄矣病矣已矣於身外事於人間事恍兮如隔
世矣猶有痛掃澆而不除者胸中一點耿耿感激投分
之意氣不侵久要之然諾雖欲如寒灰之不燃槁木之
不芽病未能也而況楚人之塊辱在化工大鈞之播寸
草之心未報陽和三春之暉是可忘也孰不可忘也然
雙鯉尺素之敬有虛目於中涓千里命駕之約竟寒盟
於載書不知肉黃頭白着高顧隱坐則有垂釣之偃行
則有可笑之蹙而然耶抑亦石韞我趾龍覆我艇陸則

欽定四庫全書

誠齋集
卷一百十二

一

有犖确之徑水則有洶歟之濤而然耶每一念之未始
不作惡數日也若夫清風明月必思玄度高山景行獨
仰仲尼皇天后土實臨此心側聞相君潭府與珠履落
之久矣東望佳氣想見綠瑩之堂碧瓦拂日翹材之館
華裾織翠獨樂之園花竹秀野反顧荒僮曾不得羣燕
雀侶龜魚於上下曳長裾彈劍缺於前後良可憐哉廬
陵自七月十三日不雨一行槁乾至九月一日大田可
以縱燎自九月二日雨一行霖淫至於今日遺秉又復

欽定四庫全書

誠齋集
卷一百十二

二

生耳余生逢此咄咄書空坐待土銼之不煙塵甑之不
粒也老瓦盆饔餼尊不待寄嵇叔夜之書而鄭不來矣
三衢歲事定復何似丞相袖中有作霖之手而小靳於
九州四海獨不可貶及於鄰里鄉黨乎專走便了奏記
東閣聊無一物可以伴黃耳者竹萌五十斤人面子乾
餘甘乾各一十合晉越贄諸蓬人真所謂楚人之美芹
子雖有區區之意亦已疎矣惟不標而出之大門之外
有萬其幸天扶柱石人俟鹽梅可不寶之珍之愛之重

之以答揚其意耶以公歸兮之雅尚能為聖世賡載之

再與徐丞相

某屬者專僕奏記恭相聞達茲復賤懇親戚澧州推官
吳承直瑤頃蒙鈞慈頒照牒舉辛酉年賜上半年改官
親民任丞相一倡羣公並和今得舉主四員矣嗣歲且
至渠今遣僕奏記拜請奏牘一宗文字敢祈鈞旨願指
典籤特賜剡發以授去僕以歸有萬其感恭惟如天之
恩某實並受之

欽定四庫全書

誠齋集
卷一百十二

三

答新車輅王判院

某伏以積雨新晴六合清朗即日恭惟子林判院鄉友
歸軒錦繡待綴班行神介燕喜台候動止萬福某恭審
錫綸言於殿城除州府之戶郎寄徑于斯亨衢有道惠
我無疆言之不足寄贈潭帖古碑白燭皆清且佳敢不
重拜惟為斯文自愛當有夜誦子虛者

與衡州陳通判

某伏以即辰景迫周年霜酣日霽恭惟判府太中分月

湘江開雲衡嶽民咏豈弟天迪仁賢台候動止萬福某
不慙毫及暮用下風吉蠲穎泓徽名謁者邈未瞻進賢
之冠輒進保金軀之頌式佇驛召怒飛鵠行某益嘗究
觀近代人物之鼎盛莫三山若也而鼎盛之中萃乎冠
出者孰居太丘子孫之右者前有兩博士之制科後有
一樞相之斗魁磊磊相望日杲星垂宗不乏人執事以
撐霆裂月之筆收片玉一枝之名清風震山游刃破竹
年甫強仕而聲已溢世昔人謂士元非治中別駕不足
以展僕則謂雖治中別駕亦未足以展執事也然東坡
倅杭濂溪倅處在二先生則為遇也已顧不為兩郡江
山之遇耶僕是以不以衡湘為執事慶而以執事為衡
湘慶今人恐未知耳若老朽之人方幽屏待盡猶及見
執事之蜚鳴也及今相聞獨不可乎惟執事財幸

欽定四庫全書

歲時集
卷一百十二

四

某悚息再拜敬問台閤玉捲即日恭惟尊尊幼幼受祉
山則有廬陵委顧奉承之某惶恐僭有至懇中男次公
不習為吏自試譏征適有天幸乃得走趨服事于旗纛

旄麾之下親炙薰陶于宗師道德之側抑諂有之鄭渠
無早畝崑山無礦土前之說以徵恩紀之苑後之說以
勾樂育之惠惟執事垂意焉

答范監稅

某伏以周年受代嗣歲來歸即日恭惟判院直閣契丈
新除近天神介台候動止萬福某聞者濶焉久不聞問
乃心尊德無頃焉置忽覽誨帖驚喜不勝恭承來諭知
先集刻印行矣僞功將有分賜於莖人者病眼作花苦
無異書以金篋之日僕此賜如饑腸雷轉而望脰踏如
渴肺塵生而須危露也未見願寶珍大業立俟明庭孔
鸞之集

答贛州張舍人

某屬者行李還返因之奏記以謝嘉惠且一再思以妻
姪羅縣令瀛為門下薦乞特報今年上半年首章京削
以為破白之舉茲辱遣騎隆以王字之書諭以金諾之
實大帥之橐璫載蘇曾西柄而春風已先到河陽之桃

欽定四庫全書

歲時集
卷一百十二

五